

dum figurabant: hęc autem continent gratiam, & ipsam dignè suscipientibus conferunt.

Quamvis autem (1. 2. q. 101. art. 4. q. 10. art. 5. ad 5. q. 103. art. 2.) hæc sit præcipua differentia inter Sacramenta utriusque Legis, sunt tamen alię plures. 1. Nostra sunt pauciora, faciliora, & a Christo immediate instituta. 2. Sunt diversi ritus, & in veteribus nulla forma determinata servabatur. 3. Erant signa nostrorum, & ad tempus instituta.

Dico 2. (in 4. d. 1. q. 2. art. 6. q. 1. ad 2. & 3.) Circumcisio conferebat gratiam parvulis ex opere operato passivè. Supponit conclusio, Circumcisionem fuisse institutam in remedium peccati; de quo infra. Prob. Gratiam conferri ex opere operato passivè est eam conferri ad positionem operis, eo tamen non concurrente effectivè, sed solo Deo operante ultra meritum recipientis, & ministrantis; atqui Circumcisio sic conferebat gratiam parvulis: ergo. Prob. Min. Non Circumcisio ipsa, sed solus Deus ad positionem Circumcisionis vi pacti, & promissionis effectivè gratiam (ut patet ex præcedenti Concl.) ultra meritum infantis recipientis, erat enim incapax; & ultra meritum ministrantis, 1. quia ut docet Aug. Ep. 203. & S. Thom. in 4. cit. in marg. Circumcisio collata ab infideli, seu malo ministro valebat, modo haberet intentionem faciendi, quod Deus hoc signo instituerat, seu quod vera Dei Ecclesia faciebat, sicut nunc de Baptismo, ut dicemus infra. 2. Quia si gratia penderet a sanctitate, & merito Ministri, valdè incerta foret salus infantis. Neque dicas, non esse magis incertam quàm in sententia nostra, quæ requirit intentionem internam in Ministro longe enim facilius est habere illam intentionem, quàm sanctitatem. 3. Quia nullus privatus, (& nò recurras ad meritum Ecclesie) nec ipsa Ecclesia potest alteri mereri infallibiliter, & de condigno primam gratiam; hoc enim est proprium capitis, ut diximus in Tract. de grat. & dato quòd possit impetrare aut mereri de congruo, non tamen nisi mediante motu illius, cui gratia conferenda est, cuius est incapax parvulus: alioquin Ecclesia, sicut tunc, ita & nunc posset parvulos suos sine cæremonia externa per solum actum internam sanctificare, sicque non indigeret Sacramento pro parvulis. Sed veritas est, quòd, etsi per impossibile nullum esset meritum, nulla charitas in Ecclesia, & Minister conferendo Baptismum (idem dic de Circumcisione) intenderet facere quod facit Ecclesia, & perferret Sacramentum, & gratiam conferret.

Dico 3. S. Thom. infra q. 70. art. 4. o. dicit, Circumcisionem justificasse ex fide suscipientis, aut ministrantis: ergo non ex opere operato etiam passivè, sed ex opere operantis. Verba sunt D. Thom. In Circumcisione conferebatur gratia non ex virtute Circumcisionis, sed virtute fidei Passionis Christi, cuius signum erat Circumcisio; ita scilicet, quòd homo, qui accipiebat Circumcisionem, proficiebatur se suscipere talem fidem, vel adultus pro se, vel alius pro parvulis. Unde Apost. dicit Rom. 4. quòd Abraham accepit signum Circumcisionis signaculum justitię; quia scilicet justitia erat ex fide significata, non ex Circumcisione significante. R. D. Ant. Juxta S. Thom. Circumcisio justificabat ex fide suscipientis, aut ministrantis ad instar Sacramenti independentè a merito utriusque, C. Ant. ex fide tanquàm ex merito alterutrius, N. Ant. & Conseq. Quandò enim dicimus, Circumcisionem conferre gratiam ex opere operato, & non ex opere operantis, non excludimus absolute opus operantis, sed excludimus illud ut meritum gratię: fides autem ministrantis, applicata parvulo per Circumcisionem, ut est actus personę, nullatenus est meritoria gratię; sed ad ejuş protestationem, seu applicationem per Circumcisionem, tanquàm ad signum divinę promissionis, Deus confert gratiam; & hoc sensu intelligimus, Circumcisionem conferre gratiam parvulo ex opere operato passivè, & non ex opere operantis. Audiatur S. Thom. loco citat. in 4. clarè seipsum explicans, & expressis verbis sententiam nostram asserens. Ad 2. inquit, dicendum, quòd fides aliena non jurabat in quantum erat actus personę, sed ex parte illa, qua respiciebat obiectum suum, scilicet Christum, quòd erat medicina totius nature, in quo habebat quandam similitudinem cum Sacramentis nostris, in quantum justificabat ex obiecto, quasi EX OPERE OPERATO, NON AUTEM EX OPERE OPERANTE. Et ad 3. Formatio, & informatio fidei sunt conditiones ejus ex parte operantis, non autem ex parte obiecti: & idò informatas fidei in Parente non impediabat effectum salutis in filio. Impediabat autem in ipso, quia informatas illa proveniebat ex aliquo, quòd erat contrarium salutis, scilicet ex peccato mortali. Apertum est ergo, S. Thom. per fidem, cuius intuitu conferebatur gratia, nihil aliud intelligere, quàm protestationem fidei in Christum per Circumcisionem; aut si velis, ipsam fidem ut protestationem, applicatam, & significatam per Circumcisionem, quicumque interim esset Minister, aut quidquid interius crederet, modo intenderet facere, quòd Deus hoc signo instituerat, erat enim ibi tota fides requisita: sicut nunc, quidquid interius credat

Minister Baptismi, modo conferat Baptismum cum debita intentione, perficit Sacramentum.

Quantum verò ad Circumcisionem pro adultis, & aliis Sacramenta veteris Legis, res videtur valdè ambigua, & obscura. Multi tenent, ea non conferre gratiam nisi ex opere operantis, sicut quodvis aliud opus bonum, sic ut ultra meritum operantis nihil gratię conferant, nec accedentem attitum faciant contritum. E contra Cabrera, Soto, Estius post Hugonem, & S. Bonaventuram volunt, Circumcisionem (idem videtur dicendum de aliis Sacramentis) conferre gratiam adultis, non solum ratione meriti, sed, ut dicit Soto, ratione fidei instar Sacramenti, quatenus per Circumcisionem applicatur, quòd nos modo dicebamus ex opere operato passivè: ita ut, juxta hunc Theologum, accedens attritus foret contritus, arbitraturque, hanc esse opinionem D. Thom. infra q. 70. art. 4. ad 5. ubi S. D. docet, per Circumcisionem remittit adultis non solum peccatum originale, sed etiam actuale; quòd falsum esset, si supponeretur contritus, & ex attrito non fieret contritus. Item quia S. Thom. ibidem non aliam ponit differentiam inter Circumcisionem, & Baptismum, quàm quòd Baptismus liberat ab omni reatu peccati, & in corpore in eo confertur copiosior gratia, non Circumcisio: & in corpore Articuli, quòd Baptismus conferat gratiam ex virtute Passionis Christi peractę, Circumcisio autem in fide Christi venturi, id est; Baptismus physicè, & ex opere operato activè, & Circumcisio moralitèr, & ex opere operato passivè, ut explicavimus.

Verum esto, ut pluribus placet, non esse tribendam Sacramentis veteris Legis hanc prærogativam, quòd, sicut Sacramenta novę Legis, faciant ex attrito contritum, & continent omnem gratię causalitatem sic tribere merito operantis, ut nihil reservetur Sacramento, videtur repugnare notioni veri Sacramenti, qualia sunt Sacramenta veteris Legis. Nam Sacramentum verum debet differre a non Sacramento, nosque aliter sanctificare, quàm non Sacramentum; alias ut quid illud diceretur Sacramentum, & non istud? Atqui, si Sacramenta veteris Legis causant tantum gratiam ex opere operantis, sic ut nota gratię causalitas competat merito operantis, & nulla Sacramento, nullatenus differunt a non Sacramentis; quòdvis enim aliud opus bonum, quòd non est Sacramentum, eodem prorsus modo confert gratiam. Neque dicas, quòd sanctificantur sanctitate legali; id enim non sufficere ad rationem Sacramenti, probavimus Dissert. 1. art. 2.

Respondet Joann. a S. Thom. Sacramenta veteris Legis differre ab aliis bonis operibus, & cæremoniis Religionis, quòd Sacramenta essent signa practica gratię, continentia promissionem, & pactum Dei. At verò quocumque opus bonum, quocumque alia cæremonia Religionis, ex fide per charitatem operante peracta, erat pariter signum practicum gratię continens promissionem, & pactum Dei; promissio enim Deus gratiam exhibet operi bono procedenti ex fide per dilectionem operante, ut vidimus in Tract. de Grat. & hinc

Conf. Si Sacramenta veteris Legis causant tantum gratiam modo dicto, sequitur, quòd fuerint instituta in gravamen potius, quàm in utilitatem populi; siquidem sine illis non minus, quàm cum illis posset obtineri gratia.

Respondet laudatus Joann. a S. Thom. ex Apost. Rom. 3. dicente: Quid ergo amplius Judeo est? Aut que utilitas Circumcisionis? Nullum quidem per omnem modum. Primum quia credita sunt ei eloquia Dei. Sed contra. Evidens est, sensum Apostoli esse, quòd credita sint eloquia Dei non Circumcisioni, proit est Sacramentum respectivè ad gratiam, sed Religioni Judæorum, cuius Circumcisio erat tessera; sicque remanet, quòd ipsa ut Sacramentum sit inutilis, & a fortiori alia Sacramenta. Sed, & verius arbitratur Estius, respensionem, quam hic facit Apostolus, non spectare secundum membrum suę interrogationis, hoc scilicet, Aut que utilitas Circumcisionis? Illi enim respondet Cap. seq. sed primum, hoc scilicet, Quid ergo amplius Judeo est?

Videtur itaque dicendum, Sacramenta veteris Legis moralitèr aliquid gratię ex opere operato conferre passivè, & non totum haberi ex merito operantis; sive dicas, Deum eorum intuitu aliquem gradum conferre ultra illum, qui debetur merito; sive Deum eorum intuitu augere, vel devotionem, vel fidem, vel attritionem, vel contritionem, quod est saltem concurrere mediatè ad gratiam; sive aliquid aliud quòd volueris, modo in eis salves rationem Sacramenti proist distinguatur a non Sacramentis, nec in ratione Sacramenti sint inutilia.

DIS-

DISSERTATIO IV.

DE ALTERO EFFECTU SACRAMENTORUM, QUI EST CHARACLER.

Div. Thom. Q. 63.

ARTICULUS I.

Utrum, & que Sacramenta novę Legis charactem conferant?

Dico 1. (Hic q. 63, art. 1. o.) Quædam Sacramenta novę Legis conferunt charactem. Est de fide decisum a Conc. Florent. in Decreto unionis, a Trid. sess. 7. Can. 9. contra Wiclefitas, Lutheranos, & Calvinistas, qui absolute negant, ullum characterem per Sacramenta imprimi; contenduntque, Innoc. III. qui obit anno 1216 esse primum illius inventorem. Quidam Conclusionem probant ex illo 2. Cor. 1. Qui unxit nos Deus, qui & signavit nos, & dedit pignus Spiritus in cordibus nostris; & ex quibusdam aliis similibus Scripturę locis. Alii verò arbitrantur, nihil certò evinci posse ex Scripturis, quia rectè intelligi possunt de sola gratia. Ut ut sit,

Prob. Conclusio ex Traditione. S. Dionys. de Eccl. Hierarch. c. 2. dicit, Deum accedenti ad Baptismum tradere sui participationem; & addit: Perficiens ipsum divinum, & communicatorem divinarum per charactem. Hinc S. Thom. in 4. d. 4. q. 1. art. 1. dicit, quòd a Dionysio prima traditio characteris nobis advenit, scilicet, proprio nomine, scripto expressa. S. Cyrillus Jeros. in Præfat. ad Catecheses: Magnum, inquit, sanè est propositum hoc Baptisma, captivitatis liberatio, peccatorum remissio, mors peccati, anime regeneratio, vestimentum candidum, signaculum sanctum, & indelebile. Et Catechesi 4. Spiritus S. tempore baptismatis animam obsignat. Quibus verbis S. D. aperte distinguit characterem sicut & gratiam a ritu externo, sicut effectum a causa; & ab ipsa gratia, quòd ille sit indelebilis, & non gratia. S. Basilius Hom. 13. in S. Baptisma: Quomodo, inquit, vindicabit te Angelus? Quomodo eripiet ex hostibus, nisi agnoverit signaculum? Quomodo diciturus es tu: Deus sum; si notas, ac insignia non exhibeas? S. Chrysost. Orat. 2. in Ep. ad Ephes. dicit, nos in anima signari per Baptismum, quomodo Judæi in corpore per Circumcisionem signabantur: signum autem Circumcisionis erat perpetuum. Item dicit S. Epiphanius. Hæresi 8. S. Ambros. l. 1. de Spirit. S. c. 6. Et si, inquit, specte signemur in corpore, scilicet, per Sacramentum, seu ritum externum, veritate tamen signamur in corde, scilicet, per characterem. Videatur insuper S. Joann. Damasc. l. 4. Orthodoxę fidei c. 9. Greg. Nazianz. Orat. 40. S. Aug. Ep. 23. Consecratio, inquit, reum facit Hæreticum, extra Domini gregem habentem dominicum characterem. Ep. 50. sub finem, malo Christiano interroganti, cur non iterum baptizaretur ad ablationem peccatorum, respondet: Quia non facio injuriam characteri Imperatoris, cum errorem corrigo desertoris. Tract. 5. in Ep. Joann. de malo Christiano: Characterem, inquit, impostum habet, sed desertor vagatur. Lib. 6. contra Donatistas c. 1. Satis eluxit Pastoribus Ecclesię Catholicę toto orbe diffusa, per quos postea plenarum Conciliū auctoritate originalis consuetudo firmata est, etiam ovem, que foris errabat, & Dominicum characterem a fallacibus predatoribus suis foris acceperat, orientem ad Christiane unitatis rautem, ab errore corrigi, a captivitate liberari, a vulnere sanari, characterem tamen Dominicum in ea agnoscere, potius quàm improbari. Tandem Aug. contra Donatistas passim probat, malos non secus, ac probos recipere verum Baptisma, illudque nec iterari, nec amitti posse. Chm ergo fide accedens non recipiat gratiam, & actus ipse transeat; apertum est, esse aliquid aliud, quòd recipiunt mali, quòdque manet in illis indelebiliter. Hoc autem quid est aliud, quam character?

Huic ergo traditioni innox Innoc. III. Cap. Majores Tit. 42.

de Bapt. loquitur de caractere impresso per Baptismum tamquàm de re nota, & communiter recepta in Ecclesia; sicquè non nisi per evidentem falsitatem potest traduci tamquàm primum Auctor illius. Ex eadem Traditione Conc. Florent. in Decreto unionis, & Trid. Sess. 7. Can. 9. hoc dogma definitur: Verba sunt Tridentini: Si quis dixerit, in tribus Sacramentis, Baptismo, Confirmatione, & ordine, non imprimi characterem in anima, hoc est, signum quoddam spirituale, & indelebile, undè ea iterari non possunt, anathema sit.

Ratio Conclusionis a priori nulla est præter institutionem Christi, quæ nobis innotescit per Traditionem, & definitiones Ecclesię. Ratio congrua Auctoris est hæc: (Ibid.) Quicumque deputatur ad aliquid certum, consuevit ad illud consignari; sicut milites, qui adscribentur ad militiam, antiquitus solebant quibusdam caracteribus insigniri; atqui Fideles per quædam Sacramenta deputantur ad aliquid spirituale agendum, vel recipiendum, pertinens ad cultum Dei: ergo congruum est, ut ad hoc aliquo caractere spirituali consignentur.

Dico 2. (Ibid. art. 6. o.) Tria tantum Sacramenta, scilicet, Baptismus, Confirmatio, & Ordo, conferunt characterem; non alia quatuor. Per tria assignata conferri characterem, jam vidimus definitum a Trid. Per hæc autem sola conferri, & non per alia quatuor, paritèr definit Conc. Florent. in Decreto unionis his verbis: Inter hæc Sacramenta tria sunt, Baptismus, Confirmatio, & Ordo, quæ characterem, id est, spirituale quoddam signum, imprimunt indelebile in animam; undè in eadem persona non reiterantur. Reliqua verò characterem non imprimunt, & reiterationem admittunt.

Sua detur 1. (Ibid. in a. s. e.) ratione, quam insinuant Concilia. Sacramenta, in quibus imprimitur character, non reiterantur, eò quòd character est indelebilis; atqui tria tantum Sacramenta assignata non reiterantur, alia autem quatuor admittunt reiterationem: ergo. 2. Character, (Ibid. o.) ut dicemus Art. seq. est potentia, per quam homo ordinatur ad ea, quæ sunt divini cultus, sicque ad agendum, vel recipiendum, quæ spectant divinum cultum; omnis enim potentia est activa, vel passiva; atqui solum per tria Sacramenta assignata conferitur potentia ad agendum, vel recipiendum ea, quæ pertinent ad cultum divinum, & non per alia quatuor: ergo. Prob. 1. pars Minoris: Ad agendum pertinet Sacramentum Ordinis, quia per illud conferitur homini potentia ad alia Sacramenta faciendi, & ministranda. Baptismus pertinet ad recipientes, quia per illum conferitur potentia valdè recipiendi alia Sacramenta: undè dicitur juxta illorum Sacramentorum. Confirmatio pertinet ad agentes, & recipientes, quia per illam conferitur potentia ad congruenter recipiendi alia Sacramenta, & ad profitendam ex officio fidem Christi tamquàm ejus miles. Sicque per Baptismum homo adscribitur familie Christi, per Confirmationem adscribitur ejus militi, & per Ordinem deputatur ad sacra ministeria obœunda. Prob. 2. pars Minoris. Quamvis cætera Sacramenta ordinantur ad cultum divinum per modum actionis; omnium enim susceptio, seu administratio est exercitium cultus divini; non tamen conferunt potentiam ad aliquid ulterius agendum, vel recipiendum, pertinens ad cultum divinum. Sic per Pœnitentiam, per quam homo liberatur a peccato, non conferitur ipsi de novo aliqua potentia ad aliquid agendum, vel recipiendum in ordine ad cultum divinum saltem sacramentalitèr, etsi moralitèr, sed dumtaxat restituitur in pristinum statum. Similiter Eucharistia non ordinatur ad aliquid agendum, vel recipiendum sacramentalitèr, cum sit potius finis, & consummatio omnium Sacramentorum. De duobus aliis Sacramentis, scilicet Matrimonio, & Extrema Unctione, mentionem non facit Auctor; quia res est evidens: Matrimonium enim non dat potestatem ad aliquid spirituale sacramentalitèr, sed tantum ad corpus conjugis. Paritèr per Extremam Unctionem non conferitur homini potentia ad aliquid ulterius agendum, vel recipiendum sacramentalitèr in Ecclesia militante, cum sit potius janua ad egrediendum ex illa: ergo.

Sol-



